

## Posjeta predstavnika Američke agencije za međunarodni razvoj (USAID) Ekonomskom fakultetu Brčko

U utorak, 17.02.2021. godine, Ekonomski fakultet Brčko su posjetili predstavnici Američke agencije za međunarodni razvoj (USAID) i prezentovali petogodišnji Projekat razvoja održivog turizma u Bosni i Hercegovini i načine pomoći sektoru turizma s ciljem pružanja podrške oporavku sektora turizma od negativnih ekonomskih efekata pandemije COVID-19. Program obuhvata realizaciju projekata na svim nivoima vlasti u Bosni i Hercegovini.



Pored potencijalne saradnje sa hotelijerima, ugostiteljima, seoskim domaćinstvima i drugim direktnim pružaocima usluga u oblasti turizma postoji zainteresovanost za saradnju s institucijama obrazovanja u pravcu dodatnih edukacija i treninga zaposlenih u turizmu.



Dekan Ekonomskog fakulteta Brčko, prof. dr Lazar Radovanović je, pored uvodnog izlaganja, predstavio ljudske i materijalne kapacitete kojima Fakultet raspolaže. Prof. dr Stevan Stević i master Miodrag Peranović, u ime Fakulteta, a doc. dr Aleksandar Đurić, u ime Službe za turizam, Vlade Brčko distrikta Bosne i Hercegovine, prezentovali su ishode projekata, u oblasti turizma, realizovanih u 2020. godini, uz podršku Njemačkog društva za međunarodnu saradnju (Deutsche Gesellschaft für Internationale Zusammenarbeit (GIZ)). Ocijenjeno je da navedeni projekti mogu biti dobar osnov za uspostavljanja uspješne saradnje sa Agencijom. Predstavnici USAID izrazili su zadovoljstvo ovom posjetom i spremnošću Ekonomskog fakulteta Brčko za saradnju na projektima vezanim za razvoj i održivost sektora turizma u Brčko distriktu Bosne i Hercegovine.





